



Broj: 03-37-7-2012/21
Maglaj, 23.11.2021. godine

JP RTV MAGLAJ

PREDMET: Obavještenje.-

Obavještavaju se studenti da je Ministarstvo za boračka pitanja ZDK 23.11.2021. godine objavio Konkurs za dodjelu stipendija studentima -branocima i članovima njihovih porodica za studijsku 2021/2022. godinu i ostaje otvoren 20 dana zaključno sa 13.12.2021. godine.

Zainteresovani aplikanti tekst Konkursa mogu pročitati na Oglasnoj tabli Općine Maglaj, na službenoj stranici Općine Maglaj, te oglasnim tablama boračkih organizacija kao i Oglasnim tablama Mjesnih ureda u Novom Šeheru i Kosovi.

Zahtjev i ostale potrebne informacije zainteresovani aplikanti mogu dobiti u Šalter sali Općine šalter br. 5.

Važna napomena:

U odnosu na protekle godine postoje promjene koje su veoma važne za studente, a to da su studenti dužni da prikupe svu potrebnu dokumentaciju u toku trajanja Konkursa i da ne predaju pisarnici ako dokumentacija nije potpuna. Nepotpune i neblagovremene prijave neće se uzeti u razmatranje, nadležna Služba ne smije u toku postupka tražiti dopunu nedostajuće dokumentacije, niti se ista može naknadno dopuniti, izuzev ako postoji opravdan razlog zbog čega dokumentacija nije priložena.

Navedeni tekst objaviti u udarnim terminima rado i televizije od 23.11., 24.11., 26.11., 29.11. 30.11.; 01.12; 02.12; 03.12; i 04.12.2021. godine.

DOSTAVLJENO:

- JP RTV MAGLAJ
- a/a



NAČELNIK OPĆINE
Mirsad Mahmutagić

Na osnovu člana 11. stav (1) Uredbe o stipendiranju redovnog studija branilaca i članova njihovih porodica («Službene novine Zeničko-dobojskog kantona» broj 4/14., 1/18. i 15/21.)
Ministarstvo za boračka pitanja Zeničko-dobojskog kantona r a s p i s u j e

K O N K U R S

za dodjelu stipendija studentima - braniocima i članovima njihovih porodica za studijsku 2021./2022.godinu

Na konkurs mogu aplicirati svi redovni i samofinansirajući studenti prvog i drugog ciklusa Bolonjskog sistema studiranja u BiH i van granica BiH iz jednog porodičnog domaćinstva koji ispunjavaju uslove konkursa.

Isplata stipendija se vrši u osam jednakih mjesečnih rata.

I. Pravo učešća na konkursu imaju:

- a) dobitnici ratnih priznanja ili odlikovanja;
- b) ratni vojni invalidi;
- c) demobilizirani branioци koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetna lica ili šest mjeseci po punoljetstvu;
- d) članovi porodice šehida, poginulih, umrlih i nestalih branilaca i umrlih ratnih vojnih invalida;
- e) članovi uže porodice poginulih, umrlih ili nestalih dobitnika ratnog priznanja ili odlikovanja;
- f) djeca dobitnika ratnih priznanja ili odlikovanja – do navršene 30.godine života;
- g) djeca ratnih vojnih invalida – do navršene 30. godine života;
- h) djeca demobiliziranih branilaca koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetna lica ili šest mjeseci po punoljetstvu – do navršene 30.godine života.

II. Pravo učešća na konkursu, kao posebni korisnici prava po Uredbi, imaju :

- a) djeca šehida, poginulih, umrlih, nestalih branilaca, kojim je prestalo pravo na porodičnu invalidninu – do navršene 35. godine života;
- b) djeca poginulih, umrlih ili nestalih dobitnika ratnog priznanja ili odlikovanja kojim je prestalo pravo na mjesečni novčani dodatak i djeca umrlih ratnih vojnih invalida koja nisu korisnici prava na porodičnu invalidninu - do navršene 30.godine života;
- c) djeca umrlih demobiliziranih branilaca koja su sa istim živjela u zajedničkom domaćinstvu ili su ih isti izdržavali najmanje posljednju godinu dana prije smrti - do navršene 30.godine života.

III. Pravo učešća na konkursu lica iz tačke II i III imaju pod uvjetom:

- a) da su srednje obrazovanje stekli u školama na području Bosne i Hercegovine;
- b) da imaju prebivalište na području Kantona u trajanju od najmanje dvije godine neprekidno do dana podnošenja zahtjeva, osim povratnika u Republiku Srpsku;
- c) oni ili članovi njihovog porodičnog domaćinstva nisu vlasnici ili suvlasnici subjekta koji obavlja privrednu ili drugu djelatnost, registriranog kao privredno društvo;
- d) čiji prihod po članu domaćinstva ne prelazi iznos od 656,00 KM (80% prosječne neto plaće isplaćene u Kantonu u prethodnoj godini);
- e) da su studij na visokoškolskoj ustanovi upisali do navršene 25.godine života.

Odredba tačke d) **ne** odnosi se na kandidate – članove porodica šehida, poginulih, umrlih i nestalih branilaca i umrlih ratnih vojnih invalida i članovi uže porodice poginulih, umrlih ili nestalih dobitnika ratnog priznanja ili odlikovanja;

Odredba tačke e) **ne** odnosi se na kandidate - dobitnike ratnih priznanja ili odlikovanja, ratne vojne invalide i demobilizirane branioce koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetna lica ili šest mjeseci po punoljetstvu.

IV. Neće biti uzete u razmatranje prijave kandidata:

- a) koji imaju status apsolventa;
- b) koji u tekućoj studijskoj godini na istom ili drugom fakultetu ponovno upisuju istu godinu studija;
- c) koji su na vanrednom studiju;
- d) koji primaju kredit ili stipendiju drugog davaoca;
- e) koji su studenti II ciklusa studija u radnom odnosu;
- f) koji su upisali studijsku godinu po osnovu bezuslovnog upisa, odnosno po osnovu člana 124. stav (5) Zakona o visokom obrazovanju ZDK („Sl.novine ZDK“ br. 6/09,09/13,13/13,04/15,05/18,4/19 i 19/20)

V. Kriteriji za izbor kandidata

Izbor kandidata za dodjelu stipendija vrši se na osnovu ostvarenih bodova primjenom slijedećih kriterija:

- a) ostvaren uspjeh u prethodno završenoj školskoj/studijskoj godini;
- b) socijalno-ekonomska situacija;
- c) ratna priznanja, ratni staž i invaliditet.

Kriteriji za bodovanje utvrđeni su odredbama članova 15. do 21. Uredbe o stipendiranju redovnog studija branilaca i članova njihovih porodica, objavljenih na web stranici Zeničko-dobojskog kantona www.zdk.ba.

VI. Izbor kandidata bez bodovanja:

- a) kandidati iz stava I.tačka a) do tačke e) i stava II.;
- b) djeca ratnih vojnih invalida sa procentom invaliditeta 70% i više;
- c) kandidati sa procentom invaliditeta 70% i više.

VII. Zainteresovani kandidat uz prijavu prilažu sljedeće dokaze :

- a) dokaz o statusu branioca i člana njegove porodice;
- b) uvjerenje o kretanju (kao dokaz o prebivalištu);
- c) potvrdu o redovnom studiju;
- d) dokaz o ostvarenom uspjehu u prethodno završenoj školskoj/studijskoj godini (ovjerena kopija svjedočanstva/uvjerenje o ostvarenom prosjeku ocjena u predhodnoj studijskoj godini sa ovjerenom kopijom stranice indeksa koja sadrži podatke o ovjeri posljednjeg semestra);
- e) dokaz o nezaposlenosti studenta II ciklusa (uvjerenje nadležne Poreske ispostave o statusu osiguranika-studenta, odnosno da se isti ne vodi u jedinstvenom sistemu uplate doprinosa);
- f) ovjerenu kućnu listu;
- g) uvjerenje o prosječnim prihodima zaposlenih za posljednja tri mjeseca računajući do dana objave konkursa ili ček za penzionere, odnosno dokaz o nezaposlenosti punoljetnih članova domaćinstva (uvjerenje nadležne Poreske ispostave o statusu osiguranika odnosno da se isti ne vodi u jedinstvenom sistemu uplate doprinosa);
- h) ovjerenu kopiju Specifikacije za utvrđivanje dohotka od samostalne djelatnosti - obrazac SPR 1053 (koji se podnosi uz Godišnju poreznu prijavu/ Godišnju prijavu dohotka) za predhodnu kalendarsku godinu;
- i) ovjerenu izjavu o ukupnim prihodima domaćinstva;
- j) ovjerenu izjavu da ne prima stipendiju po drugom osnovu;
- k) izvod iz matične knjige umrlih (za umrlog roditelja), a za razvedene roditelje pravosnažnu presudu o razvodu braka;
- l) rješenje nadležne institucije o procentu invaliditeta studenta-aplikanta i članova njegove porodice.

VIII. Konkurs ostaje otvoren 20 dana od dana objavljivanja.

Prijave na konkurs sa potrebnom dokumentacijom kandidati dostavljaju nadležnim službama za branilačko-invalidsku zaštitu u gradu/općinama u kojima imaju prebivalište i u kojima mogu dobiti obrasce za prijavu i sve potrebne informacije o postupku izbora kandidata.

Nepotpune, neblagovremene i neuredne prijave neće biti uzete u razmatranje.